



4 Vokabulario

Timbuktu, e siudat legendario

Esaki ta e leyenda, esta un kuenta hopi bieu, di un siudat ku yama Timbuktu. E palabra Timbuktu ta nifiká un lugá hopi leu.

Den e leyenda e kaya- i daknan di Timbuktu tabata trahá di oro puru. Nan tabata lombra asina tantu ku bo por a bira siegu si bo keda wak e oro. P'esei si un hende tabata ke kana den e kayanan di Timbuktu, e mester a protehá su wowonan.

Kon e leyenda akí a nase?

Riba un dia un emperador tabata di biahe. E emperador tabata biaha ku masha oro mes. E hendenan ku e tabata topa riba su biahe, tabata hopi impreshoná pa su rikesa.

Tur hende tabata ke sa unda tabatin tantu oro asina. E emperador e ora ei a konta ku e oro tabata di e siudat Timbuktu.

For di e momentu ei Timbuktu a haña e nòmber 'e siudat di oro'.

Hopi eksploradó a kere e leyenda i nan

tabata buska Timbuktu, e siudat ku hopi oro. Pero ora e eksploradónan yega Timbuktu, nan tabata topa un siudat ku kas di klei. I di e oro mes? Nada!

Hopi tempu pasá nomadanan a konstruí Timbuktu.

Nomadanan ta hende ku no ta keda biba na un lugá. Nan ta biaha hopi i kada bes nan ta kambia di lugá di biba.

Ora e nomadanan a mira ku Timbuktu ta keda banda di e riu Niger, nan a disidí di keda biba ei. Awa di riu tabata masha importante pa nan.

Tambe e nomadanan a kuminsá hasi negoshi ku e karavananan ku tabata biaha den e desierto.

E karavananan akí tabata konsistí di grupo di hende ku tabata biaha riba kamel i kabai. E animalnan tabata sirbi komo nan medio di transporte.

Na Timbuktu e biaheronan tabata kumpra provishon, esta produkto pa konsumo.

Tambe nan tabata hasi negoshi ku oro i salu.

Asina Timbuktu a bira un siudat konosí na Afrika.

Tarea 2

Kamel i kabai ta sirbi komo medio di transporte. Kua medio di transporte mas bo konosé?

Skibi nan den bo skref.

Tarea 1


Kiko bo ta mira?

- Lesa e frase bou di kada pintura.
- Buska e palabra ku falta, den e rei akí bou.
- Skibi e palabra den bo skref.

• impreshoná

• konstruí

• leyenda



Segun un ... e kaya- i edifisionan di Timbuktu tabata di oro.



Tur hende tabata ... pa rikesa di e emperador di Timbuktu.



... ta hende ku no ta keda biba na un lugá.



Hopi tempu pasá nan a ... Timbuktu. Esta nan a traha kas i otro edifisio.



Karavana ku pasa Timbuktu, ta usa kamel i kabai komo ...



Na Timbuktu e biaheronan ta kumpra ..., esta produkto pa konsumo.

Tarea 3

Bo sa e kontesta?

- Ora e nomadanan a mira ku Timbuktu ta keda banda di e riu Niger, nan a disidí di keda biba ei. Awa di riu tabata hopi importante pa nan. Dikon awa tabata asina importante pa e nomadanan?

• medio di transporte

Tarea 4

- E palabra Timbuktu ta nifiká un *lugá hopi leu*. Bo tambe konosé nòmber di un lugá òf persona ku ta nifiká algu? Duna e nòmber i konta kiko e nòmber ta nifiká.

• nomada

• provishon